




Zentralak geldialdi gehiegixto izaten duela diote ekologistek. BAYO

Garroñako zentral nuklearraren geldialdiari ekin zioten atzo

LUIS KARLOS GARCIA / GASTEIZ

Garroñako zentral nuklearra gelditu egin zuten atzo eta horrela izango da bi astez, Antonio Cornado Nuclenor enpresako kanpo harremanetarako arduradunak egunkari honi aditzera eman dienez.

Geldirik dagoen bitartean egingo duten lanik garrantzitsuena, hondaturik zegoen osagai errekin bat behin topatu eta isolatu ondoren, zentralak dituen 400 osagai errekinetan akatsik ez dagoela egiaztatzea izango da.

Horrezaz gainera, «ekipo batzuen mantenimendua» egiteko ere aprobetxatuko dute zentralako teknikariek.

Cornadoren esanetan, geldialdian iristeko prozesua «astiro» doa. Izan ere, geldialdia igandean hasi zela dio, «geldialdi hotza izenez ezagutzen dena behintzat», baina atzo goizeko 8etan hasi ziren «berez geldialdiari dagozkion lanak».


«ZENTRALAK EZ ZUEN BEHARREZKOA»

Nuclenor enpresako arduradunak dioenez, Garroñako zentral nuklearrak ez zuen atzo hasitako geldialdiaren beharrik. «Zentrala oso ondo ari da azken hilabete guztietan eta errekinarekin jatzakoagatik ez balitz ez zen hau egiteko premiarik izango».

Errekinen arazo hori, dena dela, zentralari dagokion erantzukizun zuzena ez dela argitu du Cornadok, «errekinaren ardura General Electricena delako».

Ildo horretan, Nuclenorrek dioenez, «ez zen batere eroso orain geldiaraztea, baina urte hau geldialdirik gabekoa dela ikusirik geldirik uztea erabaki zen».

Garroñako zentralak geldialdiak «etengabe» egin behar izatea talde ekologisten kritika nagusietakoa izan da. Ekologisten aburuz, zentrala «matxura eta ajez» beterik dago, eta beraz, «egundoko arriskua» dago.



GERNIKAKO AZOKA

Bermeon apur bat agertu arren ilarrik ez oraindik Gernikan

MARIBI CAMPILLO / GERNIKA

Zenbait baserritarrek ekarritako ilar apurak izan ziren Bermeoko azokan nobedade. Baina Gernikara ez da oraindik barazki hau iritsi eta ondorioz, iragan astean agertzen hasi ziren babak izan ziren berritasun nabarmena. Gainontzean, azoka normala izan zen, jendeketa handirik gabea, baina girotzeko adina. Prezioak, honakoak:

HEGAZTIAK:

Hegaztiei dagokienez, oilanda gorria besterik ez zitekeen aurkitu atzo. 845 pezetan saldu zen burua.

BARAZKIAK:

Esan bezala, lehenengo astean agertzen hasi ziren babak izan ziren azokako berritasun azpi-

magarriena: 300 pezetan saldu zen kiloa. Indaben artean, salneurriak aldatu egin ziren motaren arabera. Honela, Gernikako gorria 1.200 pezetan saldu zen kiloa, Tolosakoa 1.000-1.200ean, beltza 800-900ean eta zuria 450ean. Aza, 60an; letxuga, 50-60an; berotegiko tomate, 150-50ean eta azalorea 100 pezetan alea. Azelga eskukadak, 40-60 pezeta bitartean egin zuen eta espinakak 75.

LANDAREAK:

Ilbehera ez da etorri orandik baina landatzeko sasoi proposa denez, tipula eta letxuga landareak ondo saldu ziren. 300 pezetan ehunkada lehenengoak eta 400ean bigarrenak. Datorren astean tomate landareak hastea espero da.

BADATOR KORRIKA!

1993ko martxoaren 26tik apirilaren 4era

IRUÑEA - BILBO

Martxoaren 26an, Iruñean,
KORRIKA 8 hasiko da,
10 eguneko **NAZIO LASTERKETA**.
Euskararen aldeko 2.000 km. baino
gehiagoko lasterketa etengabea.

10 egunean zehar,
gure herriaren nahi eta gogoia adierazten,
etorkizuna euskaraz eraiki asmoz.

10 egunean zehar,
gaur egun eta etorkizunean,
herria izateko aukera
euskaraz baino ez dela izango
tinko eta irmoki azaltzen.

10 egunean zehar,
etengabe, **KORRIKA**,
gure hizkuntza berreskuratzeko
herriaren borondate
indartsu bezain geldiezinean.



DENOK Maite dugu gure herria **EUSKARAZ!**

